



Aqqalu C. Jerimiassen  
Atassut

UKA 2021/96  
03. November 2021

**Qimussertarneq qimussillu piujuartinnissaat qulakkeerniarlugu, Naalakkersuisut  
ukiuunerani tuttuttassanit qimussimik tuttunniartartunut immikkut immikkoortitseqqullugit  
peqquneqarnissaannik Inatsisartut aalajangiiffigisassaattut siunnersuut.**

(Inatsisartunut Ilaasortaq Doris Jakobsen Jensen, Siumut)

Piniarneq ataatsimut tamaat nunatsinni isigissagaanni, ila iluarsisariallit taajugassagut amerlaqaat.

Ullumikkut nunatsinni innuttaasoq a-mut b-mullu agguloqqavarput, ilaatigut allaat “ilissi piniassangilasi”-mik inissisimalersimalluta piniakkat killilersukkat eqqarsaatingalugit.

Nunaqqatitta ilai erleruullugit pilersimavagut, piniaqatigiittarnitoqaasut piffissaq ungasippallaanngittoq ukiunik 15-inik kingumut qiviaraanni, nunaqqatigut erleruunnatik aalisartuugunik, piniartuugunik, allaffimmiuugunik, eqqaavilerisuugunik politiugunilluunniit qilalugarniarnerinnaq eqqarsaatigiinnarlugu eqqissillutik piaqatigiittarsimapput, agguaaqatigiinnerlu kingornatigut assortuuffiunngitsortaaq pisinnaasarluni.

Assersuusiornikka tamaanga killtsilaariarlugit, oqaaseqaatissanni imannak aallartissuunga:

Ilitsoqqussat paarisariaqarnerinik siunnersuuteqartup oqariartuuteqarnera assortorumaappoq. Ukiunimi kingullerni qimmit qimuttut annertuuipilussuarmik ikiliartorput, aamakkulu uagut meeraanitsinni qimmeqarnikuusugut ajoraluartumik maanna aallaqqanertuallaarnerput peqqutingalugu qimmeqarsinnaajunnaarsimasugut.

Qimmerli qimuttoq annertuumittaqa illuani unammillerneqarpoq. Annertuumik sikuusarnikuunera sumiiffippassuarni oqaluttuaannanngorsimavoq, qamuteralaat sukkancerungaartumik akikinnerusumillu perarfissaqartitsipput assartuinermut sorpassuarnullu.

Umiatsiamiuppat, qamuteralanniuppat assigisaanilluunniit aavariassatilluta sorpassuit aningaasarpaaluit atorlugit piareersaatigilluaqqaartarpagut, taakkuuppullu maanna ullumikkut allatut naleqqussartariaqalersimanitsinnitaqaq toqqammaviusut. Qimmeqarneruna akikitsuinnaanngivittukasik, Ilulissanilu assersuutigissagaanni suli akitsornerusimavoq Royal Greenlandimi qaleralinnik tisasarneq Qasigiannguanut nuutsinneqareerernerata kingorna qimmit nerukkaatissaat qalerallit perlukui imaaliallaannaq pissarsiassaajunnaarmata. Tamannalu akuulluinnarsimavoq, nerukkaatissat akisungaatsiartut nunatta avataaniit eqqussukkat pisiarineqartalernerisa kingunerisaanik qimmeqarniarnerup akitsoqqinnerulluinnarneranut. Ajoraluartumik kingumunaasit tassani immitsinnut naallertoorsimavugut.



Kikkut eqquasanerlugit eqqarsarluaqqaarata akilersinnaasumik  
ingerlalluartortagut eqqarsaatigivallaarnagit siammaaniaannarluta pisimavugut,  
tassanilu qimmeq qimuttoq ajorsartuuvoq.

Qujanaqaarli maanna siunnersuuteqartup qimmeq qimuttoq illorsorlugu siunnersuuteqarmat.

Qimusserluni inuunerup nuannersua, pinngortitallu inuummarinnartuata pissarsiassartai sorpassuit  
pissarsiarineqarsinnaajuartarmata.

Aavartarnissaq eqqarsaatigissagaanni, eqqarsaatigilluartariaqassooq, maanna qimussernissamut  
unammillertaasut qanoq kalluanngikkaluarlugit qimussimik piniariartarnissaq, qimussernerullu  
orniginartuunerulernissaa pilersinniassallugu.

Siunertarlu innuttaasut qitiutillugit siunertaqarsinnaasoq ilimasuutigilluinnarpalput  
isumaqtigalugulu.

Taamaattumillu Atassummiit taamatut oqaaseqarluta siunnersuut Aalisarnermut, Piniarnermut  
Nunalerinermullu ataatsimiitsitaliamut innersuupparput.